

清狂遺稿

釋月性著

下

柳田文庫

文庫11

A1214

2



文庫 11
A 1214
2

柳田泉文庫



清狂遺稿卷下

大洲鐵然

同輯

天地哲雄

春日偶成 庚戌

鄉黨春深育俊髦，滿門桃李映方袍。
學禪雖悟生涯淡，好武猶存意氣豪。
繞院禽聲人未起，上簾花影日初高。
佛堂例誦三經罷，又對生徒講六韜。

送觀月老師還浪華

楊花撲酒雪紛紛，江畔送春并送君。
振錫歸山隨雁後，浮杯渡海伴鷗群。
東林宿雨鐘聲濕，北渚新晴樹

松陰曰：不負清狂之號矣。
又曰：支公好馬之流。

拙堂曰：曰浮杯，曰扁舟，又曰布帆，語得無破耶。

清狂遺稿卷下

色分醉上扁舟從此去，布帆無恙挂南薰。

竹米

拙堂曰：今夏竹實至秋果驗，公之詩實為先見。松陰曰：庚戌夏月某日，鳩居堂主自京寄條，錄乞詩因賦曰：今年多獲，採為團。公叔文子，願餼人門前乞巧日。成市疑是鳳凰之，後身一笑正之。又曰：焉知二字，翰旋妙。又曰：緜衣世界，亦有杞憂，蓋以其非履，遂辰也。又曰：防州在東海，恐不見，處帆。鵬翔蓋狂師過，慮不覺，騎快語耳。

今茲嘉永庚戌夏，篠竹結實諸州野。隨處窮民爭米收，一時足以賑鰥寡。天變歉歲作豐年，地化空山為美田。多獲無家不暴富，飽食之人皆晏眠。共言竹實鳳凰食，不日來儀五彩翼。聖主賢臣致太平，天為賜瑞賞盛德。君不聞往歲東北數十州，夏間多米竹米收。爾來水旱災相繼，五穀不登其歲秋。焉知天運往必復，不循環。至西南竹歉，兆依然。此猶彼為恐，今秋亦不熟。又不聞廟謨近日警虜情，近海新嚴守備兵。

不幸塞邊如變起，天下田賦或重征。嗟無人慮及二事，妄認歉兆為祥瑞。眠食徒貧一旦安，蓄積不為異日備。我今來來上高岡，不聞鳳凰鳴。朝陽却想南溟天水際，虜帆蔽海大鵬翔。

春江送別圖

課題

送客春水岸，黯澹暮煙橫。不見行舟影，唯聞去櫂聲。

桐陰讀書圖

一樹青桐葉已舒，隱居春過夏來初。白衣高士鬚眉綠，箕踞重陰讀道書。

聞子規

松陰曰：五絕佳境。

松陰曰：妙作綠字，尤坡如觀其圖。

松陰曰字々有
來歷翻案大妙

園林夏立綠陰圍，一卧鄉山客恨稀。深樹夜來啼血鳥，勸誰頻喚不如歸。

作詩

作詩不欲為尋常之詩人。放吟滿腹吐經綸。飲酒不欲為尋常之酒客。一醉胸中躍兵戟。近歲西邦啓小戎。遂使餘波及大東。沿海傳言蠻舶見。要衝藩鎮議防戰。我居方外志難酬。詩酒清狂消杞憂。安得架裝代甲冑。如意指揮防外寇。擊碎艤艦海底沈。一戰絕彼覬覦心。不效滿清和戎議。肯許犬羊割土地。

夏日山居

拙堂曰如此詩
方外所絕無唯
清狂有之耳
松陰曰相摸太
即再出相摸太
又曰語々妙但
恨勇而不沉

拙堂曰騷人之
語可誦
松陰曰避秦人
不可曰無此清
味也

無復桃花累。漁郎豈問津。青山圍白屋。綠樹隔紅塵。僻地尤宜夏。幽情不泥春。此中清意味。絕勝避秦人。

村外散步

拙堂曰上人閑
農之意往往見
乎詩中
松陰曰二聯皆
妙傾脾充天然
大雅翁畜致

村外泥濘路。吟衫雨後飄。分流斜引水。橫木假為橋。刈麥黃雲散。移秧綠浪搖。農功勤苦節。游屐愧逍遙。

久雨

一雨三旬復作霖。上天不察下民心。垣頽屋漏猶能忍。可忍秧田水底沈。

梅雨

泥濘阻路客來稀。獨抱杞憂高板扉。牛馬岸遙難辨。

拙堂曰易成威
天思之
松陰曰仄線草

蛇結構太密

色龍蛇水濶易成威誰知鏞澀生兵器自恐徽紋汗
衲衣却記連年梅雨候南洋隱見虜帆飛

六月既望同秋晚香藤壺仙等赴嚴島觀神祭
將過廣島訪虎山先生而不果故後首及之

幾萬紅燈照水明神舟夜湧管絃聲滿天風月江山
美總付吾曹飽賞情

解纜一帆開夕曛江天望斷虎山雲同人偶有歸期
急咫尺江山不訪君

七月既望秋晚香招余飲于海濱涼棚醉後懷
虎山先生而作

松陰曰一縮巧
力化蕪賦傲語
為豪語新奇
又曰押韻有坡
公家風
又曰晚舞潛蛟
乃爾
又起眼鷗豪興

去歲中元游藝州觀月廣城京橋頭卧虎山人挽我
留留連遂作既望游山人文筆東坡儔我亦自許佛
印流文酒興酣亦佳樓一洗人間殘熱憂歸卧荒村
歲一周秋風索寞荻蘆洲東坡千歲隔明幽虎山此
去路阻修欲往從之共無由一杯今夕誰獻酬鄉友
晚香文雅尤招飲適馳折簡謀家釀松花酒滿甌兩
人對酌不論籌磊塊澆胸洗牢愁俯仰乾坤放醉眸
江山秋敞暮雲收萬頃一碧水如油清風徐掃水波
柔明月忽磨珠玉投風月依然赤壁秋涼棚臨水即
扁舟何須鼓棹駭陽侯不妨吹笛舞潛蚪嗚呼百歲

人生水上漚。茫茫天地寄蜉蝣。鄴都建業空山邱。曹
瞞周郎並觸虜。蓋世功名死即休。區區枉自快恩讎。
與君一醉又何求。人間萬事付悠悠。君不見東坡先
生才學優。二賦變幻窮冥搜。又不見卧虎山人筆力
遒。千篇縱橫迴萬牛。敢向二公輕挾輶。綿力薄才我
自羞。且此相思醉裏謳。樽前欲唱轉歌喉。一聲驚起
渚邊鷗。江天月落曉烟浮。

送某兄弟游豐後

讀書結社暫相依。又問名師去遠崎。春色一門常棣
耀。秋原千里鵲鷓飛。他年筆硯功應就。此日桑蓬志

不違鄉僻由來吟。友乏待君兄弟學詩歸。

又

淫雨傷嘉穀。加以此狂風。終年力田績。一旦忽為空。
餓莩憐人斃。飢饉歎歲凶。唯汝兄與弟。游學志何雄。
千里南豐路。尋師行亦同。臨歧敢一言。以吐別離衷。
我聞志道士。不憂貧與窮。衣食莫耻惡。書田耕可躬。
已無風雨患。豈空力學功。天下歲雖歉。君田秋竟豐。
而又慎言行。祿亦在其中。我言果當否。到日問淡翁。
聞虎山坡井先生病革。即日往訪。則已易篲矣。
悵然而作。實庚戌重陽日也。

松陰曰一篇勸
學文自傷嘉穀
落想巧妙

變故雖甚長讀
之不厭

清狂遺稿卷之下

勢來橫逆，黑雲潑墨，東南天扶搖，九萬搏鵬，翻沙石，
晝晦，睢水戰，屋瓦皆飛，昆陽役，山拔十圍，百圍樹，海
沈千斛，萬斛船，矧我防長，沿海州，滿天如雨，翻潮汐，
潮汐稻禾相混淆，公田私田共狼藉，翌日秋陽以暴
之，張望千里，槁苗白，新穀不登，一粒米，萬人號哭，饑
寒迫，草根食盡，剥木皮，飢腸結，澀身瘦，瘠所恃我公
好行仁，救焚拯溺，切心身，就封已來，勤庶政，國中文
治日彬彬，泮宮改築，明倫館，百度從此更一新，春秋
釋奠行三獻，庠序謹教，明五倫，舊染汚俗，追日改，儉
素成風，士民淳，二州始告水災日，即作手書賜大臣，

松陰曰伏線

曰此非常之洪水，可憐闔國困窮民，就中城內山崩
變，無乃祖先罪寡人，不肖享國不堪任，震怒洞春公
之神，日夜寢食何可安，天災元由人事臻，次自責曰
吁，自我享此國，行有所不屆，平居多失德，歟，選舉非
其人，有司不盡職，歟，士民怠己業，驕奢無抵極，歟，其
他省萬事，天譴何由得，恐懼在此時，豈不畏天殛，上
下宜一心，時務各盡力，救世匡非方，知者言勿默，勤
職慎舉措，念使神慮息，其言深切感人深，大臣誰不
體君心，巡撫乃差監察使，察民困窮，傳德音，且諭春
來天氣惡，加以比日之秋霖，稻禾雖秀，恐不實，宜備

精莊遺稿卷之下

七

非常自目今商賈富者及豪農買米他州莫惜金郡宰繼承再命至大發倉廩行公意鰥寡孤獨窮民家巡視親吊無遺事。耄耆老人孝弟民賞恤并有錢穀賜謳歌頌德聲震天歡喜感恩淚溢地郡宰以此將復命發軔匆匆途上次其夕海風捲汐來天何報德以災異公益慷慨再發倉諏詢廣求救饑方誓曰國民猶我子敢使一人餓死亡命吏會計人口數大蓄二州支歲糧直據三關扼咽喉網羅海道運米航一朝立買百萬斛天下米價為低昂或道廟堂多遠慮濟民兼亦備海防蓄積可以支三歲詳講賑恤普及

計分配村村里正家以使人人廉價貫諸郡更遣檢田吏其法寬假異常例來同郡宰閱民田依災大小免租稅若有稻禾蕩盡者穀種悉自公府惠不須寫獻流民圖無復餓殍可流。流饑饉吞蝗唐太宗田租賜半漢文帝振古君德稱二主視之我公孰與。君不聞陶唐帝堯仁如天一時選舉盡聖賢猶有洪水滔天患五穀不登及九年獸蹄鳥跡交中國下民其咨帝憂焉重咨四岳舉大禹九州開道通山川又不聞殷代成湯為天子其仁應與帝堯比亦遭大旱七年災五穀盡焦又暘死王直以身為犧牲剪爪斷髮

松陰曰、妙照應

深罪已。六事自責言未終。沛然大雨數千里。二君維
聖功德宗。公今所行略相同。妖不勝德古確言。請持
此心保始終。九年七年災猶拜。何況海風一夕雄。颶
母已去政績在。二州今日仰天風。縱使洋夷蔽海至。
亦能一戰碎艨艟。吾願從今人和五風十雨歲連
豐。然後德聲播四海。萬國傳道頌我公。

十月二十二日重展虎山先生墓賦此代祭文

是日雨雪故結末及之

偃武已還。二百載昇平日久。元氣餒世。儒滔滔逐流。
移波頽瀾。倒文章海。先生中立屹如山。急流砥柱障。

松陰曰、奇事
拙堂曰、結尤妙

百川譬諸猛虎。當途卧萬馬。辟易畏不前。人才接武
爭興起。門下亦多豪傑士。改觀一變山陽文。元氣浩
然不委靡。可惜虎山梁木摧。永失文章經國材。儒林
舉世足樗櫟。天奪斯人何速哉。吾與先生雖道異。締
交曾辱方外誼。所以寒天航海來。墳前重灑數行淚。
嗚呼君昨諾吾生。祭文何圖今日。吾祭君英靈。彷彿
尚來饗。天雨妙花雪紛紛。

同上次韻小竹翁追悼見寄詩

余與虎山先生相識十年。頃者梓近世名家
文抄亦乞其文刻之。先生事母甚孝。又嘗著
杞國策以論富國之術。

清江遺稿卷之十

松陰曰的對切

藝國無復舊風流。今夕回頭感曷休。一卷文章方校刻。十年詩酒屢陪游。事親純孝學萊舞。報國丹忠抱杞憂。日暮悲風吹老樹。愁雲慘澹虎山秋。

同箕山、校虎山先生遺稿、寓其書齋十餘日、將歸前一夕、賦之叙別、

風雪藝城重弔喪。與君同寓百千堂。遺編校見心聲美。古墨磨聞手澤香。滿腹忠肝披講義。一空熱血注文章。又愁明日東西散。備海周山別路長。

內藤郡宰賜金我曇嶺法師賞其教化有補於郡治。余與法兄相知二十年。親與之至。不啻同

松陰曰講義文章四字差粗七八有餘韻

胞傳聞其事。不堪隨喜。乃賦此賀之。

祖師所見真絕倫。護法資治報君親。所以我宗說教次。必談忠孝誨士民。難奈氣運移末世。士風民俗日衰替。君臣賊義父子仁。教化誰能救其弊。曇嶺法兄天下奇。自幼慨嘆時世衰。出世猶存經世志。濟人兼亦欲濟時。歲時暇日集臣子。說示人間忠孝旨。禮徒聞者悅。歸依一鄉。遂化為仁里。婦女仰知佛德崇。兒童解道君恩鴻。子孝臣忠朋友信。與他村落別其風。今茲庚戌秋八月。大塊噫氣簸溟渤。妖雲捲地鵬退。飛惡浪拍天。龍出沒。災青偏被海邊州。法兄鄉里是

松陰曰畢竟自家佛身矣

其尤黍稷稻粱皆蕩盡，一千家邑全無秋。太守賢明不世主，至仁憐下稀前古。發倉廩，又免賦租，百方賙救窮民苦。法兄為設講筵開，大集村民教諭來。君恩高大山兼海，爾等宜念報消埃。其言叮嚀妙開諭，衆心感奮誰違忤。拜曰：吾師命之矣，吾等安得欠貢賦。美事流傳聞郡廳，郡宰賜金以褒旌。為是宗門大吐氣，何啻法兄一旦榮。嗚呼！維持教化元難事，移易風俗非容易。當今廟堂肉食者，誰忘寢食勞心思。今也法兄在佛門，行餘輒化窮荒村。此教本來誰所創，請兄莫忘祖師恩。

除夜口號

衲衣典盡室無儲，風雪聲中歲亦除。燈前獨忍飢寒坐，呵筆斜臨乞米書。

辛亥新春

以下辛亥中作

荒村迎歲不知新，雨雪猶寒餓草人。獨有梅花魂未死，東風喚返一枝春。

題畫四首

水邊楊柳村，烟暗易黃昏。罷釣人歸晚，漁家未鎖門。前山夜雨晴，欲滴諸峰翠。縹緲白雲間，塔尖高表寺。散策携童子，尋秋到水湄。風爐茶未熟，倚石坐思詩。

松陰曰：其然豈其然。

松陰曰：合作。

雪晴江山麗，孤亭隔水遙。騎驢人不見，閑却野溪橋。

送夢窓老師游東北諸州巡拜宗祖靈跡師此行將迂路過芳野觀櫻花故第四句及之

多年寺勢脫籠囚，放鶴翩然不可留。求法出家真汗漫，為花迂路太風流。長江北圻連三越，大野東開控八洲。我亦靈蹤曾一拜，送師千里憶前游。

得小竹先生訃信賦哭二律

余方刻今世名家文鈔，選先生文置之開卷第一，聞其將死，頰咯血，又嘗以雪下道人梅月圖有栗山柴博士贊者，一幅見贐余，故二首并及之。

訃音披對短檠釭，望哭招魂恨滿腔。繡板文章徒布

松陰曰：長平近

猶竹陰似未必

拙堂曰：潤筆十金，尤的切，筆佳。又曰：兩首皆佳。此首尤勝。皆實事，一字一淚，不忍多讀，就中一幅深閨二句，如離如即，尤真情。

松陰曰：奇作，巧作一絲不紊。又曰：絲縷二句，拙堂曰：二先亦有經國筆，亦不見小竹遂浦評的當，余及公

世養財經濟未施邦，老梅花落春風屋。細竹香消夜雨窻，千里海天雙眼淚。付潮遙寄浪華江，度量如海豁胸襟。至老優游翰墨林，架上藏書過萬卷。囊中潤筆幾千金，平生對客開青眼。將死為誰嘔赤心，一幅梁間梅月影，猶疑顏色照人臨。

追懷小竹虎山二先生兼寄懷拙堂遂浦二先生時余校四家文鈔

去歲重陽三日前，虎山先生去登仙。今歲端陽三日後，小竹先生亦上天。文壇頻遇龍蛇厄，佳辰前後亡二先。絲縷謾傳長命說，黃花畢竟不延年。憶昔二先

實評不知何如
如余不敢當

在世日大手同揮經國筆韓柳並名上下從廬陵接
武眉山出各操文柄據東西名聲頡頏文力匹兒童
走卒知公實王公相將稱承弼我居方外好文章文
酒屢陪翰墨場浪華江上梅花屋廣陵城外百千堂
春宵看月同分韻冬天賞雪共飛觴宗派不論儒釋
異江海度量容我狂局外嘗歎藝苑缺竊選今文付
剖劂方今海內足名家又并二先採四傑小竹善抒
所欲言淡宕圓活筆代舌虎山勇悍氣無前三寸筆
鋒百鍊鐵其他二傑並名流南北現存好匹儔拙堂
正正堂堂陣出師渭南漢武侯遂浦才思自天落空

中現出百層樓沒者仙凡界已隔存者江山路又修
新文校罷立凝眸南望勢州北丹州

病中吟五首 節二

我幸為僧子平居聽道真世無千歲壽誰保百年身
死去應成佛還來欲度人關心唯一事老矣北堂親
支吾猶保命經日四旬餘氣與新涼爽熱同殘暑除
蟲聲秋院靜月影夜窓虛早晚歌孤枕床頭試讀書
即事
說詩檐外夕陽明適有晚蟬來一鳴言語枉論文字
跡不如風露自然聲

松陰日剩南餘
音又曰蟲聲月影
二句不愧西人

拙堂曰：銘不足使人不老，長生何不餉酒乎？

內藤郡宰寄書問病，并見惠萬歲銘，賦謝。
伏枕無聊，壯志悲，自知一病竟難治。嘉祥偶得郡宰賜不老長生萬歲銘。

示雛僧

新涼昨夜到窓前，燈火可親秋爽然。初識讀書非汝志，短檠棄在竹籬邊。

卧病中殘暑甚酷，有懷夢窓老師

奧州之地是北陸，彌望千里野草綠。絕無峰巒遮日光，行人殊苦炎蒸酷。就中棚倉城邊野，多產異蛇尤厲毒。澤中當道噬人殺，秋々鬼哭聲相續。况又野州

松陰曰：以能因法師歌意為伏線，在每僧詩尤切。拙堂曰：入能因歌詞前後相應，好手段。又曰：返照取巧手。

那須原殺生有石，今猶存。六月七月炎蒸節，毒氣薰天。白日昏雲外，飛鳥隕皆死。草間狐兔斃不奔，縱橫白骨暴原上。道傍觀者為消魂，我師求法志金鐵。不憚行脚勞筋骨，嘗共春霞出帝都。宗祖遺跡遍參謁，茅鞋踏血越山雲。衲衣拭淚配所月，計程應在粵野間。不知何狀凌殘熱，我守草堂留故山。門對長江碧水灣，煩襟可洗涼可納。今猶中暑熱如煎，况師萬里行途客。野宿雲栖涉嶮艱，唯祝健行無疾病。秋風吹入白河關。

中秋

讀莊子高文

松陰曰傾保命
春其下物維何
想應萬年能

松陰曰亦字有
力幹旋不費力
又曰結處似欲
以規意味不盡

黯黹天陰暗海濱，不如前夕晚晴新。枝高老樹安栖
羽，水冷幽池伏躍鱗。萬古中秋雲翳月，百年浮世病
疲人。寂寥何以酬良夜，半盞聊傾保命春。

並頭蓮歌

為輪齋林
山人嚼

三輪里畔小芙蓉，一朵插天縹緲峰。山人家世住其
里，宅樹紅蓮環碧水。峰影倒涵池水中，山翠花紅相
競美。維昨嘉永庚戌年，池心忽吐雙頭蓮，出泥並立
何清淨，浴波對映更嬋娟。自是芙蓉清淑氣，蒸入蓮
池出祥瑞。細腰不屈鸞母風，嫣然笑向山人媚。秋池
花墜採蓮房，十襲珍藏秘錦囊。世間此瑞真希有，山

人何福得嘉祥，迂路遠來問我病。手展蓮圖乞題詠，
伏枕雖久廢筆硯。作歌且頌國家慶，我聞國治天下
平。靈草異花祥瑞呈，今也昇平二百歲。雙頭蓮亦盛
德精，瑞應圖曰嘉禾五穀
之長盛德之精也况我藩侯勤家國，悉措邪
枉舉忠直。年凶屢賑困窮民，二州人物感其德。不歎
去歲颶風災，唯喜今年五穀滋。九穗嘉禾四穗麥，何
啻雙蓮花一枝。嗚呼何啻雙蓮花一枝。

旭莊廣瀨先生東上路次繫舟于竈關寓長尾
生家馳書見報即往會焉

浪華分手五經春，久別相逢情更親。百卷文章詳記

松陰曰旭莊小
傳

事旭莊不作古文以日記為文章曰方積至百卷萬篇詩語悉驚人梅墩集三編梓

行于俱憂外寇論籌策海防策及且據中庸說智仁說亦

與故小竹翁論風雪關門年暮日海樓對榻劇談頻

除夜

乾坤春未立風雪歲斯除守夜三更後偷生九死餘

唯今樽有酒何嘆室無儲一醉天方曉眉同陽氣舒

籠鶴壬子

捕來田野禽欲置樊籠飼飲啄雖無憂飛搏終負志

何時向九天再展凌雲翅

題泥龜圖

懶與玉侯告吉凶泥中曳尾伴魚龍無復卜人來灼

汝滿塘春水綠溶溶

題巖邑十勝後

天宇夜澄巖嶺月海門秋漲石磯潮十圍無勝不奇

絕何啻一條錦帶橋

檢古紙得土井士強戲畫余肖像

憶昔年少日出家游上都禿髮鬚髻亂狀貌與常殊

非僧亦非俗學佛又學儒窓下參禪暇好讀豹韜書

甲兵森滿腹足敵十萬夫夷賊如來寇使我當其途

入則參帷幄出則斬羯奴方外奇男子自謂道行徒

人皆笑狂妄。君獨入畫圖。一朝歸火宅。湖海氣全除。
投讀課童蒙。說法論鄉閭。醜然改面目。日對夫婦愚。
今吾非故我。披圖我笑吾。君如來一見。亦笑爲野狐。

又

說法論文外。不復開此口。捻香揮筆外。不復搖此手。
自非文字飲。此唇不濡酒。自非佛法務。此足不外走。
而此耳與目。亦豈聲色誘。終身守不失。以此事老母。

水母

水母雖無目。游泳涉江湖。草蛇雖無足。峻咀自由趨。
獨我何爲者。涉世哭窮途。舊友怒狂悖。捨我往來疎。

訥堂曰起
得古雅
又曰結句孝思
任萬然我謂上人

新婦惡老秃。棄我從姦夫。奴婢稍侮我。目笑主人愚。
弟子尤嘲我。竊哂先生迂。東西失所倚。子立倩誰扶。
悠悠天地間。無處容微軀。母氏爲勞劬。多愧反哺烏。
飲酒欲忘憂。囊空不得沽。作詩欲遣悶。情迫却歛歔。
且向閒窓下。披讀古人書。書中有美女。顏色玉不如。
將及我偕老。燕婉永相娛。書中有尚友。惠然來起予。
把臂論其世。快極或狂呼。有奴盡忠義。奉養王家孤。
有婢事學究。赤脚摘園蔬。心悅誠服者。有若孔門徒。
時世千年隔。地方萬里殊。會之几案上。左右提挈俱。
一任今人棄。古人賴容吾。積鬱渙然釋。英氣勃然舒。

自今偷法暇，讀書勉三餘。殷勤慰母氏，勿復然勞劬。
七夕周盈真人見訪賦贈

細細晚風涼，湛湛零露冷。熠熠流螢飛，唧唧早蟲警。
耿耿銀河邊，燦燦雙星炳。秋光信可憐，今夕與誰永。
喜君踐約來，伴我幽獨境。相對話襟期，境幽心亦靜。
情話同夜深，月沈雲外嶺。一點短燈檠，唯照兩人影。

三隅山莊十二勝詩為故準與番頭村田松齋

翁囑節八

圓通寺曉鐘

山中高枕睡方濃，一任蒲牢吼曉峰。卧憶朝堂參政

日十年起待五更鐘。

嵩山歸雁

七十未灰憂國心，豈言人世少知音。退栖春老嵩山下，目送歸鴻撫素琴。

東廬山翠嵐

村莊築起面東廬，淨几明窓好隱居。靜坐看山相對久，不知嵐翠潤琴書。

妙見山晚雲

北辰山上晚雲披，四面衆星皆拱之。比似先生參德政，萬民心服我君時。

兒島霜葉

霜。凍。島。楓。紅。欲。流。漁。翁。駐。棹。海。灣。秋。西。風。吹。落。素。波。
上。無。數。錦。鱗。浮。水。游。

紫津彩霞

閒。游。倦。指。紫。津。歸。雨。後。江。山。映。夕。暉。沙。際。待。舟。秋。水。
濶。立。看。孤。鷺。與。霞。飛。

通浦寒濤

水。戰。於。書。頗。講。明。諸。生。席。上。易。言。兵。不。知。漁。陣。驅。輕。
舸。直。截。寒。濤。掣。巨。鯨。

口十内海漁火

萬。舟。漁。火。照。江。東。烟。焰。漲。天。天。為。紅。想。見。洋。夷。來。寇。
日。火。攻。決。勝。燬。艘。幢。

大漁石詩 并引

久賀浦里正、河村某、筐一卷石、來示曰、此縣
吏、石田二鳳君、所藏大漁石也、君往年為吏
於北郡、時有一巨石、飛出于神田海、數十步
而墮者、其歲也、神田諸村、漁而大獲、人皆以
為石之瑞、遂呼曰大漁石、君親目之、鉗取一
片、載歸珍藏焉、去歲、以我久賀少漁獵、君乃
齋來、使漁人奉以祠祝焉、果有驗矣、今將完

壁也。欲得師之一言以鳴謝。願詩之以賜余。受而視之。質堅色白。擊之。鏗然有聲。蓋奇石也。二鳳為人沈實。讀書識理。頗有清白吏之風。石已奇而人亦不凡矣。不可無詩也。賦此與之。

長鯨跋浪破滄溟。掀翻巨石隕磯汀。其圍二丈高五尺。重數千斤。輪囷形。時維弘化乙巳夏四月三日癸巳夜。翌朝觀者集成群。萬人破膽皆驚訝。若非東海神人鞭。曾經起立泰山巔。隕于宋。是星所化。言於晉亦或憑焉。石起為羊神仙戲。鵲化為石。忠孝瑞平生。

松陰曰。歸家同作事。相同如何。

不信搜神言。初識人間有恠異。是歲海灣大獲魚。漁落秋豐有積儲。皆言隕石為祥兆。誌喜名之曰大漁石。君清白介石士。當時為吏官北鄙。手鎚其石取一卷。珍重載歸藏匱裡。近年轉任海南鄉。忍聞漁者泣凶荒。百里遠攜卷石至。歲時祠祝得休祥。君不聞西土太守昔清白。歸裝無物鎮舟船。代載雲根越海歸。至今人稱鬱林石。君今載石歸家同。况假漁村拯困窮。嗚呼神田浦上。大漁石。屹對鬱林峙海東。

立春夜。周盈真人見訪。二十日。

殘年猶未盡。新春忽已回。鄉鄰拋焦豆。驅鬼聲喧逐。

獨坐書窓下，思人畫爐灰。欲催靜夜酌，與誰傾一杯。
真人履霜雪，偶同春信來。木屐爲之倒，柴門爲之開。
相對兩無語，笑着月上梅。

歲杪得蕭海土屋生書，聞其從學簡堂羽倉君，
賦此寄之，兼呈羽君。

眼光如電聲如雷，擊節不知拍案推。獨坐寒更讀通鑑，
老蟾飛上雪窓梅。上下一千三百歲，治亂興亡何速哉。
起剪佛燈呼木像，欲問因緣勸一杯。木像不言我自答，
百杯連飲玉山頹。故人偶寄關東信，報從游學羽公來。
公我十年久欽慕，羨君千里遠從陪。爲賦。

詩篇代答簡狂簡并賴羽公裁。盛時輩出文儒士，誰是日本真男子。吾邦古有武國名，士氣當今何委靡。
經學空剖毫毛理，文章徒巧雕蟲技。平生不讀古人書，
資治豈評前代史。設用國家當大任，成敗何書鑑。醜美羽公經世志，
非常兼備擅名文武場。早歲讀書破萬卷，武庫森然不可當。
就中涑水編年史，一部專攻十七霜。看破興亡千古跡，巨眼爛透紙骨光。
傍求海外購奇籍，蒙古源流窮濫觴。聞公曾續紀氏提要，知有蒙古源流求之於海外而購得焉。長才暫屈窮荒郡，大器難容小僻鄉。
轉任海南巡檢使，萬里遙航伊豆洋。七島以南八

清狂遺稿卷之十一
丈。蠱。積。水。浮。天。海。渺。茫。此。行。奇。絕。冠。平。生。何。憚。颶。風。
吹。折。檣。龍。鷁。駕。浪。驅。鯨。鱣。霹。靂。震。山。斃。豺。狼。已。課。島。
民。演。銃。術。以。代。屯。兵。備。海。防。歸。來。累。遷。高。華。職。署。監。
兼。參。政。事。堂。坐。事。急。流。長。勇。退。自。此。閒。居。述。作。忙。行。
文。簡。潔。議。論。確。八。面。筆。鋒。舞。鐵。槍。我。亦。空。門。好。史。學。
理。亂。所。由。看。略。熟。士。氣。不。振。今。日。憂。每。論。外。寇。張。萬。
目。豹。韜。數。卷。海。防。籌。十。萬。甲。兵。嚴。在。腹。恨。不。與。公。會。
一。堂。論。辨。交。鋒。相。往。復。復。讀。三。遍。通。鑑。評。琅。誦。一。過。
南。沈。錄。故。人。經。學。本。超。群。又。寓。坂。門。學。古。文。奇。才。所。
乏。唯。史。學。遺。憾。從。前。深。惜。君。今。也。就。公。補。不。足。客。裡。

窮陰惜寸分。明春業就歸過我。好勸一杯問異聞。

歲除口號

詩酒如山負債堆。不堪今日被人催。一身經濟猶難任。却說吾曹天下才。

新春卽事

癸丑

改年稱賀遍巡村。自笑新春俗事忙。且向溪南迂路叩。小圪橋畔有梅門。

上元游阿彌陀寺觀其宗祖圓光大師真筆六字名號并名體不二畫幅

君不見法王山阿彌陀寺藏元祖大師真筆畫與字

字是阿彌陀佛名畫亦名體描不二我來盪漱且薰
香跪拜衣沾懷古淚維昔大師創業時八宗豪傑並
轡馳北嶺諸師建法幢南都大衆亦舉旗大師選擇
十八願法王城郭固洪基大原法戰何其壯麈尾笑
爲羽扇麾南北法將免胄降一心金剛爲戒師爾來
天下歸師德淨土法門開我國萬乘天子三台臣歸
依渴仰真知識聞見一致勸信心名體不二顯願力
乃描其體題其名曰爲未來世衆生佛體鬚眉面目
分名號偏傍點畫明鬼神呵護天龍守星霜六百卅
年更嗚呼彌陀寺奉彌陀法常念名號清淨業奇哉
同雙幅傳千劫

日前途上口占

普門寺裡去相尋帶石山中春色深青袂紅裙村女
伴與郎攜手賽觀音

送玩古藤生

字內區分六十州更有六州足浪游藤生玩古無玩
世少時耽酒不知憂一旦幡然自改志變爲六十六
部流神祠佛閣去巡拜名山大川往遍搜北由奧陸
入蝦夷南至薩摩望流蚪返登不二山頭立下視所

松陰曰結作四
顧茫茫唯是海
六十六州掌上
收如何

經大八洲不啻吞雲夢八九六十六州歸寸眸

未開牡丹 對潮樓 課題

西人愛牡丹全盛極李唐稱色曰國色稱香曰天香
君臨桃李上僭號百花王放開無忌憚富貴驕群芳
一朝越海至日東觀國光何圖君子國別有花天皇
開成一正統芳德敷扶桑魏紫姚黃輩在外臣行
春風吹未開含羞自包藏似使白櫻花擅美於東方
今茲嘉永六年歲在癸丑聞簡堂羽君上已會
客修蘭亭故事遙有此寄 應囑

羽會簡堂曰纏
緜五百言句之
憂國之意獲見

司馬化牛江左奔五胡一變晉乾坤涇渭不澄胡氣

紙表絕不類洋
屠之使當路人
讀之能無惘然
上屋蕭海曰奇
警高樓簡堂翁
亦拍案稱奇矣
當日之會把家
不心而能久開
軍情者仿今已
象山一入而一
之人物知時勢
見與之吻合其
矣

腥。嵩。華。喪。色。戰。塵。昏。偏。安。徒。歎。山。河。異。諸。公。無。志。復
中。原。蘭。亭。會。繼。新。亭。泣。一。篇。記。文。感。慨。存。維。我。神。州
表。東。海。萬。古。依。然。皇。統。在。况。又。元。和。偃。武。後。四。海。一
家。二。百。載。不。比。彼。邦。南。北。分。百。玉。易。姓。腥。羶。浼。治。亂
異。世。地。殊。方。簡。堂。何。以。蘭。亭。待。遠。夷。近。歲。乞。交。商。航
海。屢。來。肥。豆。洋。或。恐。豺。狼。無。厭。欲。遂。化。神。州。為。大。羊
文。能。兼。武。真。儒。雅。治。不。忘。亂。是。忠。良。方。今。天。下。讀。書
士。誰。審。夷。情。策。海。防。羽。公。史。學。千。鈞。力。三。長。並。兼。才
學。識。攻。守。審。知。天。下。勢。深。謀。遠。慮。憂。君。國。因。憶。永。和
癸。丑。春。天。氣。朗。清。被。襖。辰。絕。代。風。流。王。逸。少。大。會。群

清江遺稿

卷四

賢四十人就中命世謝安才孫表諸公非等倫當時
殷浩勞北伐天下土崩根本竭為陳利害止再舉識
見高明懸日月將軍不納右軍言山桑大欺官軍沒
所以臨文不自知俯仰興懷感慨發所賴後年淝水
戰謝公勝筭一枰決爾來物換又星遷屈指一千五
百年今茲歲復在癸丑可將袂襖屬徒然乃於江戶
泉橋上流觴曲水會群賢江戶堂堂征夷府四方輻
湊足文武公今集會一堂中壓倒永和千歲古主人
識見右軍流座客才略太保儔相逢觴咏極娛樂亦
論防禦競謀猷將軍敗舉公能止兒輩大捷客運籌

異日艤幢來蔽海一戰齧粉殲群酋士氣振興賴此
會方袍竊解杞人憂但恨僻居千里外無緣載筆往
陪游君不見宋賢亦擬蘭亭會西園雅集傳圖繪中
着圓通老大師古人雅量容方外此會公先報我招
飛錫神通放白毫不說陳腐無生論懸河雄辯講兵
韜一柄手持百鍊鐵如意指揮氣更豪擊殺犬羊羶
血逆卽是我家日本刀

偶作

未斬江門跋浪鯨又聞崎澳海波驚驛亭晝夜傳飛
檄幕府東西置戍兵蒸氣船過飛電影震天砲發迅

雷聲愁來起坐觀天象。熒惑昏當兌位明。

今茲六月、墨夷軍艦四隻來泊浦賀、幕府命諸藩出戍兵以防禦、近都海岸相傳、當時我藩大森之營武備殊具、乃賦此詩、贈前參政村田松齋翁。

齋翁

猛火輪轉揚黑烟、萬里飛來蒸氣船。船身百鍊鎔銅鐵、波間運轉箭離弦。更見軍船載大礮、砲門四開金城堅。江戶海門浦賀港、四船帆檣高聳天。自稱合衆國王使、水師提督臣被理。奉其君命齋璽書、航海遠來請二事、通商開港救漂民、速於南境指一地。咄彼

安藤秋里曰大樹一句果然否又曰總海一隊如觀浦賀陣營不觀西人觀之不能解也又曰鎖國二句先復我心一結筆力又曰句々慷慨字々飛躍便讀者意壯所謂不

么麼小醜夷、何甚不遜呈書辭。宜斬其使鼓士氣、相摸太郎是我師。我在空門猶切齒、廟堂諸老何遲疑。何況江戶征夷之幕府、一毫肯受蠢蠻侮。大樹將軍赫震怒、下命群侯張我武。防海大軍三十萬、勇猛如貔又如虎。龍蛇浮浪動旌旗、雷霆震地鳴鼙鼓。總海會津扼要衝、凜然誰得犯其鋒。安房海岸忍藩戍、左水陣勢似游龍。相海彦根守嶮阨、東與河越互彌縫。熊本聲援屯後陣、練兵秣馬待傳烽。傳聞我藩豨貅士、鎧仗鮮明不亂紀。精忠滿腹大和魂、日本刀寒一條水誓斬犬羊為兩斷。男子國中真男子、諸藩士氣

為之振幕府亦知我足恃果爾夷蠻肝膽寒火船飛
去凱歌起翌日將軍召我侯茶菓賞功禮待優拜賜
早朝紅葉殿受命長鎮大森洲人謂長防二國武從
前備足冠諸州豈知卓識松齋翁遠慮貽斯善後謀
曲突徙薪先見者牛酒無人致報酬憶昨是翁參國
政左右操持文武柄時際昇平風俗傷士人文弱驕
奢競禁遏浮華尚實行沿革有法申嚴令胡穎毀祠
蛇妖息杜淹參政人才盛矯枉固甘過直譏一洗百
年舊弊淨最憶羽臺演武場大治三軍備海防羽扇
指揮八隊士旌旗十萬陣堂堂三令五申正紀律治

兵振振昭文章龍韜展盡胸中蘊武備森嚴兵遂強
所由今日大森役士氣十分我武揚嗚呼米虜貪兒
如鬼域幾年覬覦神州域竭來萬里乞交商其意何
唯止貨殖若與食糧必乞地豺狼無厭欲難塞鎖國
從來祖宗法講和恐受神誅殛明春促荅復能來一
意決戰殲群賊聞翁鑣鑣壯精神老氣橫秋敵萬人
充國屯田馬援柱老將古多靖虜塵廟堂他日求其
任自薦何輸漢兩臣便宜圖上防邊略顧甲據鞍氣
益振老體加餐君自重天下安危係一身

簡村田翁

昨應我翁囑結構一篇詩附書乞潤筆甲冑并酬之
翁曰武器者禁向他人賂國家三尺在為法敢固辭
所請狂妄甚不允固其宜雖然翁磊落因循猶如斯
太平舊法弊改革終有誰我恐天下勢士氣無振時
昔時秦殿法寸兵不許持及荆軻變起倉卒不知為
比之今外寇孰急又孰危願翁令闔國不論素與緇
人人假武器揮槍被鐵衣縹練水陸戰編伍佐玉師
士氣振如鬼必能殺賊夷

觀梅花有感 甲寅

春華粉飾太平年疎影暗香人所憐不識鹽梅多實

用調羹又解毒丸煙

輓久下玄機

時鄂船留泊崎嶇墨艦亦再來浦港
藩府命玄機策海防其稿具而逝矣

大夫慷慨過憂君成病遠游乘白雲一束生芻雖可
奠數聲隣笛豈堪聞讀書醫國平生志決戰攘夷絕
命文知汝九原瞑不得邊陲未撲滅妖氛

挽舟師重助

十八年前筑水秋迎余幾度飲扁舟春寒送柩鄉江
夕帆影潮聲不耐愁

題莊周倚湖石夢蝶圖

莊周為蝴蝶蝴蝶為莊周其間忘分別物我論始休
人生元一夢天地亦浮漚且飲一杯酒萬事總忘憂
東風乘醉去觀花涉園丘蘧蘧又栩栩蝶亦逐吾游
欲呼莊叟伴春眠枕石頭

菽城過玄機故宅悵然而作

昨年余之再游此地玄機招嚶鳴社諸子北
條中村能美等共飲大劇滿城傳以為盛會
未幾去年八月父母良迪亦遠逝焉而北條中
就木數日之後父良迪亦遠逝焉而北條中
村諸子亦皆
遠戍浦賀

恠君積善得餘殃母歿身亡父又喪廢宅蕭條人跡
絕不聞隣笛亦愁傷

往歲君堂會俊英歌呼劇飲四隣驚舊廬空有嚶々
鳥夏木陰中求友鳴

紀電異

嘉永甲寅年五月十一日我州柱野驛天俄陰似漆
破山疾雷鳴雨電狀非一大者如雞卵小者如蓮實
麥禾為隕傷樹木為摧折人歎曰大災我卜為元吉
墨虜覩東陸我師出以律未決勝敗機或恐機會失
而今得勝符盪平功可必蕃戎投首衆其數應難筆
三軍奏凱歸四海長清謐

仙洞

仙洞火災延帝闈侯甸地震動王畿天降天災警天
皇天皇神武早知幾獨奈征夷將軍府幕政因循誤
指揮今日神州防禦急在守近畿扼海峽不然紀淡
兩州間火船迅速來馳入直溯淀江衝帝都邊戍藩
兵援不及咄以二千五百年正統真天皇一旦忍將
付犬羊寄語幕庭諸宰執奉尊王室警邊防天地殫
災夷寇退萬年皇祚致千祥

紀雷異

建州山寺夜喧嘩雷公運斤造雷車雷州雷獸狀如
飛來風雨轟天際未如嘉永甲寅秋七月下旬安

異紀事上人諸
鐵鞋曰在
作中為之履卷
而叙事層層貫
穿自在奇結驚

藝州佐伯郡中原邑裏立善寺雷恠異尤佛殿之西
數十步百丈鬱蒼銀杏樹盤根入地虬龍蟄直幹衝
天雷電怒二十七日薄暮天鳴鼓來攻聲填然薩陀
蒿目天公笑震地一聲擊樹巔樹根木魅千年物肯
向雷公容易屈老幹雖折根不摧角鬪半時勝敗決
殷其去隱暮天雲戰場觀者集為群鐵爪亂攪盤石
碎土泥狼籍墜毛紛長九五寸勁如針末皆五六七
歧分別有奇物入收拾若不雷爪則鱗甲拾者村醫
水野玄英
皮肉猶存毛傳之圓徑寸餘上稍狹住僧一見以為
奇小空杯櫃韞藏之置諸床上基枰下十襲珍藏人

不知越而五日閏月朔天晴雲散日之夕忽見後園
林木標恠火一團青且赤須臾飛入屋檐中奪將鱗
甲去外空唯餘硝石硫黃氣滿堂惡臭颯腥風砮杵
覆倒杯櫃碎碎片紛落園池內一震墮傷已足竒再
來奪取又何恠紀異詩成毛髮寒猶覺電光繞筆端

鐵扇歌呈松齋村田翁

翁姓源

袁安紈扇揚仁風佳話千秋傳海東孔明羽扇驅風
雲勲名萬古仰精忠末運振興仁勇道久欽二老一
揮功源翁贈我物何異百鍊鐵扇稀世器誰作之者
鍛工良明珍重定鑄名字動搖吹拂人間熱清風颯

帶英名至清風名東曰奉揚宗祖風教化宜贊國家治
物意兩重感有餘作詩聊述拜賜意君不見佛法東
漸六百春延至吾祖始人倫釋門不廢三綱道風教
所被民俗淳其奈世降宗風衰臣後其君子遺親又
不見吾邦神武建皇極勇武古稱男子國陪臣敵愾
斬虜使闕白觀兵征異域爾來太平百餘年士風文
弱流華飾太息釋門及武門祖宗典型不復存源翁
夙有慨于此廟堂參政張綱紀嘗毀淫祀汰僧尼又
變兵制練將士鐵扇柄操文武權指揮大煽頽風起
近年夷賊覬天朝火艦東西駕迅颺神州元氣何衰

餒講和將使豺狼驕恐彼蠻夷邪教說漸入民心成
 固結濟度衆生吾輩任說法好揮鐵扇鐵一揮煽起
 宗風衰奉揚祖教諭庶黎殺身成仁則成佛人々視
 死須如歸信心堅固金剛力足拒邪說殲賊夷再揮
 防邊代羽扇自督僧兵出血戰縱橫奮擊驅風雲暗
 啞叱吃馳雷電三揮遂煽神風生吹滅火船百萬兵
 鐵扇風馳鐵棒喝不許月空獨擅名日知錄曰嘉靖
中少林僧月空
 受都督萬表檄禁倭於松江其徒三十餘人自為部
 伍持鐵棒擊殺倭甚衆皆戰死嗟乎能執干戈以扞
 疆場則不以其矣吳嗚呼太守仁風被處狹武侯出師亦
 未捷吾且清狂不自揣報效妄期遠大業更扇皇風

播地球一柄指揮五大洲

中秋夜秋良賢契泛舟賞月遂來訪余醉後同
乘送到阿月觀其創製車輪船歸後賦寄

海域雲晴天宇闢明月飛昇三五夕百年稀有此中
 秋樽前獨酌歎無客海天忽震寶螺聲誰督水軍驅
 萬兵南岸勅敵秋良氏觀月遂來襲梵城城中狂禿
 方外傑指揮嚴備酒兵迎相見寒暄何暇序攘夷舌
 戰兩雄爭輸君親目墨夷變說出腰間鐵劍鳴水府
 老公平素志誓殲犬羊無遺類所賴親藩有若人神
 州柱石真元帥而我本藩及火藩將士氣振嚴武備

清狂遺稿卷之十
使此諸公任意行防戰何難擒彼利惜我閣老唱和
戎列藩侯伯贊其議秦檜王倫今亦多要效澹菴上
封事劇談未半酒肴盡伴上扁舟更盡醉舟中魚美
酒盈罇舉杯放眼瞰乾坤月光連水水連天空明似
溯銀河源豪興鬱勃乘醉發放歌數曲向風翻水底
潛龍爲起舞月中玉兔爲驚奔一葦汎汎任所之不
覺流到君家門此時月墜天方曉旭日代昇東海表
主人絕叫愉快矣徹夜舟游興未了乃出奇工使我
觀朝波輾破車輪船道是去秋江戶邸工夫創製在
人先事達侯聞賜上覽勝洲河上捲波瀾將用此機

造大艦水軍綜練備防邊馬鈞水車徒巧藝王濬樓
船苦轉旋大火輪船雖迅速猶費石炭萬斤烟不若
君工一夫力轉輪瞬息矢離弦我亦邊防曾建策欲
鑄大砲碎蕃舶與君決志命良工一同製造數千百
既成我砲載君舟萬里遠征五大洲兩雄向處知無
敵坤輿九萬遍周流神后征韓畧未偉豐國入明志
亦酬東自墨夷始誅伐北討鄂羅西尹佛揮霍縱橫
日本刀一鼓衝壞豺虎窟大捷歸來太平海橫槩重
賦中秋月寶螺吹起凱歌聲鼉鼉蛟龍驚出沒萬里
之程一瞬還曉色分明富士山旭日高懸神武烈赫

赫威光照百蠻，嗚呼赫赫威光照百蠻。

聞魯西亞軍艦入攝海，驚而作。

不嚴兵備扼要津，夷艦飛來攝海濱。方外未能投筆起，愧他燕頷虎頭人。

秋良氏聞夷艦入攝海，率來壯士三十餘人，演

武技，使余縱觀，以洩憤懣，賦謝。

卅人壯士服肱良，勇猛皆堪守四方。多謝老兄諳我癖，一場演武試刀槍。

賊船飛入帝畿馳，豈是萬民高枕時。願與諸君同唱義，勤王去殲犬羊夷。

兵庫津東是溱川，微軀願向水邊捐。勤王一戰如埋骨，永與楠公共墓田。

北越長尾卧虎翁，西游歸路見枉。盛談海防，因次其見示葉山鎧軒贈別詩韻，以贈。

翁策中，有移封尾侯於大坂，及填房總海洲之論，故三四及之。

老去非徒事漫游，欲諳形勝護神州。帝都隣近封華港，霸府要衝填富洲。明允審知天下勢，子房能運幄中籌。滔滔士氣狂瀾倒，砥柱依君障急流。

賀卧雲師新婚

新婦大臣家三條宰相中將之女。

上苑夭桃紅玉葩，東風吹送我師家。一枝彤管裁春

色。寫。出。回。文。錦。字。花。

讀橫濱會盟載書

辱莫辱於城下盟。廟堂諸老若為情。東溟難洗墨夷。救。日。本。大。君。遵。奉。名。

紀災異

今茲甲寅仲冬第四日、諸道地震、其翌日復震、而東南海道、海嘯兼臻、八日兩日並出、二十五日、迅雷風烈、餘震亦未止、因有此作。古來災異降從天、特筆大書揭史編、泰運循環之否兆、歷代先蹤殷鑒懸、去年春二月、相州地大震、七月

亞墨夷差使乞通信、八月妖星見鄂羅、入崎鎮、今年春正月、墨夷復至東、四月仙洞火、延災紫宸宮、六月畿甸地震、動山嶽、崇、七月、啖咭喇、崎澳泊、朦朧、九月、鄂羅艦、突來攝海中、嗚呼、皇國未曾有之變、于天于地、機俱見在上、諸公狎宴安、廟算未聞決、一戰、何圖再震、仲冬初、搖動六十州、地輿、天柱折、兮、地維絕、普天率土、無寧居、况又東南諸道、澳、海嘯揚波來、沒陸桑海、變遷頃刻間、億兆生靈、葬魚腹、或言祖宗靈、震威雪妖氛、或言和戎議、大觸鬼神、瞋海營波底、沈砲臺、地下、悶我恐敵、衝地邊、防難處、置爾來餘震、日數

回。加。以。此。風。烈。迅。雷。了。了。明。知。天。地。意。警。太。平。長。夜。
睡。來。興。視。扶。桑。天。已。曉。兩。日。并。升。東。海。表。

有感

外。夷。交。定。我。憂。深。異。教。從。今。必。寢。滋。同。侶。不。知。防。戰。
策。出。於。嚴。護。法。城。心。
賈。商。唯。識。金。銀。貴。禽。獸。豈。知。君。國。恩。自。悔。邊。防。天。下。
務。平。生。過。向。彼。徒。論。

祭詩

篇。篇。殺。氣。滿。空。橫。音。調。亦。聞。金。鼓。聲。隻。手。摩。天。揮。巨。
刃。單。身。入。海。掣。長。鯨。未。知。溫。厚。何。宗。旨。畢。竟。清。狂。是。

性。情。不。用。邊。防。煩。土。木。筆。端。修。築。五。言。城。

乙卯元旦試筆

乙卯下

我。公。憂。國。愛。民。心。出。其。天。性。亦。何。深。去。年。地。震。海。波。
蕩。廣。徵。直。言。及。草。芥。千。歲。稀。遭。言。路。開。危。言。各。自。託。
天。災。吾。亦。草。間。憂。國。久。東。風。豈。落。諸。人。後。欲。盡。微。忠。
獻。野。芹。萬。言。試。筆。上。書。文。

無題

七。里。江。山。付。犬。羊。震。餘。春。色。定。荒。涼。櫻。花。不。帶。羶。腥。
氣。獨。映。朝。陽。薰。國。香。

贈閨秀松女史

秋良氏

二十一曰猛士
曰託字憂國人
至情古今希觀
大文字

猛士曰
味絕妙
曲有

燕脂染口亦論兵不負阿爺報國誠夷賊寇邊機已見同君萬里築長城

顏色如花鬢似雲英姿已足壓妖氛一戰功名播海外應號大東娘子軍

陌年治極士風衰日本男兒劣女兒愛子眉尖刀百鍊一揮要雉四來夷

贈閨秀侍婢名久學槍

後凋須學歲寒松莫向春風競冶容娘子出軍征戰日男裝好把鐵槍從

上人松

松在阿月圓覺寺應寺主某囑而作

猛士曰閨秀或有善詩曲而無行者唯有如松女史秋良之家法可想公善揭出詩之乃有補于世教矣

十八本願十八公我法與松其數同宜哉師寺上人松一向西方不向東傳聞東本願寺之門主濟度鎮西霈法雨佛威降伏薩州兵毫光照耀豐公武旼帆無恙渡周洋候風此浦繫慈航手種稚松摩且誓本枝生長指西方又聞師寺開祖芥川氏當時勇猛無雙士石山前後汎舟役千里運糧本願寺遂締因緣入佛門子孫移住此松根與松俱指西方國法場鬱鬱綠蔭繁我來懷古撫枝幹松陰坐激門徒勸咄咄爾曹萬物靈不及孤松旼本願

執政浦大夫父子延見賦此呈下執事

猛士曰大夫真
像又曰摺合叔應
妙妙

海。天。夜。雨。暗。風。雲。咫尺。嚴。洲。望。不。分。大。聲。瞞。賊。浦。兵。
部。一。隊。船。軍。援。義。軍。橫。海。老。鯨。容。易。斃。神。山。一。掃。滅。
妖。氛。從。此。南。征。又。北。伐。水。陸。戰。功。常。拔。群。赫。赫。英。名。
載。國。史。大。書。特。筆。紀。殊。勳。子。孫。食。祿。三。千。石。遙。沿。南。
海。領。封。域。由。來。門。闕。生。英。主。藩。臺。執。政。任。權。職。今。公。
前。後。十。餘。年。勤。勞。久。盡。股。肱。力。輔。佐。君。侯。臨。萬。民。燮。
理。陰。陽。經。二。國。苞。苴。不。行。讒。諛。速。忠。勇。家。風。尚。撲。直。
况。其。家。宰。多。賢。良。封。邑。近。年。庶。政。張。文。有。賓。師。武。壯。
士。兩。堂。研。磨。克。己。堂。更。募。民。兵。編。隊。伍。農。壯。商。丁。習。
劍。槍。人。人。趁。義。猶。如。渴。奮。厲。唯。期。殲。犬。羊。巨。砲。將。成。

大艦造足以家軍守一方我今優待蒙延見温顏再
接櫻花院真是堂堂大國相恩威並溢春風面下問
從容及海防一片丹心籌決戰退於別院見郎君杯
酒辱陪春夜醺既醉劇談馳捧喝眼光猶閃雙巖電
嗚呼君家父子國干城內外為治須勵精外夷強大
過陶賊水軍莫辱祖先名若有火船來海岸直乘風
雨進神兵大聲喝破夷蠻膽金戈跨海戮長鯨英風
一掃妖氛滅賴君南海再澄清

同中村秋良二子訪松齋翁翁招小川中川八
谷北條諸君俱飲賦呈主人翁

猛士曰邊防二
字全篇骨子下
面反是隱然不
顯老手段

園中種鎌倉鶴岡神祠松一株
于時櫻花亦盛開故後聯及之

高堂置酒講邊防音吐如鐘震八方滿座群雄皆鷁
退四朝元老獨鷹揚帶風松樹生神籟映日櫻花耀
國光天為侯家留柱石稱觴共祝壽而康

上巳黃波渡客中作

于時兼佐世大夫內囑
說法於邑之海岸寺

濟度隨緣入大津黃波渡口欲殘春海中新菜牽裙
帶庭上落花鋪錦茵教化移風封邑主勃興趨義僻
鄉民何妨說法偷閑暇小酌聊酬袞襖辰

佐世大夫延見鳳池硯加金賜之賦呈

畫堂延見賜金觥一醉韶光與有榮喬木參天圍古

國落花浮水遶春城封疆莫弛防邊備草莽猶存敵
愾誠池上鳳毛文彩美愧無詞筆報陶泓

口羽德祐及赤川兄弟蒙命游學關東迂路見

訪草堂中村齋藤二氏及口羽家臣坂上某亦

從行焉留宿三日臨別賦贈

三子大藩文武英特蒙恩命去東征迂路賁臨枉草
堂一曲狂歌壯遠行口郎門閣名家子大臣游學自
君始十歲能文兼賦詩萬卷博通和漢文遠大規模
所望君幕下宜交天下士雖無良友足切嗟伴讀從
行坂上氏大赤眇然小丈夫對人沈默貌如愚學問

文詩已小成大成則可作醇儒但其酣醉揮毫去雲
煙變幻龍蛇趨小赤少年高負抱英風獨壓文軍倒
千言萬語論鋒衝五嶽三山筆陣掃區區不慕俗儒
流欲學皇朝神聖道村藤二子亦時髦一善國歌一
豹韜留宿草堂三日夜放吟劍舞興何豪今也蠻戎
交聚訟外寇邊患天下共我侯憂國殊尤深為育人
才欲大用諸君一飯不忘君優游勿學浮華文文武
隨才成實學共策攘夷不世勲

送赤川忠亮游水府從學會澤翁

尊奉天朝斥外夷一編新論有餘師丈夫親就其人

學足定神州萬世基

再赴荻府過夏木原得一絕

深春雨歇趁飯程處處殘梅聽老鶯今日夏來原上
過滿山新綠子規聲

贈二十一回猛士在野山獄中押韻

君不聞輿地球周九萬里航海諸蠻由一水大火輪
船旋轉駛輾波千里猶彈指東海西洋無遠邇通商
拓土不窮已我國神山環海峙絕壁暗礁天造壘皇
基賴固三千紀未受外蠻凌辱耻東海墨夷元蠢爾
近請幕庭開互市千年綱紀一朝弛遂割神州養犬

猛士曰夏來原
構成全首是絕
句用地名法然
一轉陷能窺
窟偶可一為之
耳

也非僕所敢當
作然得之可許
也同固矣向氏
託藝國木原指
侯以見贈屈指

豕。豆州南港霜田。人禽雜糅相接趾。海內多難從
此始。慷慨何人不切齒。義卿從幼才雄偉。食牛猛氣
於菟似。十歲學兵知盡已。將航海外兼知彼。獨步耽
耽來虎視。瞋怒犬羊圖不軌。海天決皆立沙觥。睥睨
賊船長劍倚。港口無人舟自艤。萬里之行托一葦。定
遠一朝投筆起。祖狄中流擊楫矢。事覺身投官府委。
對案極言航海理。辭氣抗然期萬死。幕府君臣膽皆
褫。遠笑英雄圖雖已矣。膽畧震恐天下耳。裁決亦稱忠
意美。唯問犯邦嚴禁罪。特恩宥死畀桑梓。枉作囚奴
離怙恃。九萬鵬程飛未徙。斂翼半間獄舍庫。鯢鯨遠

水困螻螳。鸞鳳失枝棲棘枳。坐卧一茵曾不跬。可憐
猛士肉生脾。猶道君恩得處此。人生福堂囹圄是。忠
義愛君填骨髓。上書將逐鄒陽擬。乃課三餘惜寸晷。
讀書萬卷功頻累。餘力所揮文筆技。亦與名家相角
抵。豈是浮文誇麗綺。滿腔熱血淋漓紙。獄中日講勤
王旨。至誠感動幾姦宄。謂尊王室張綱紀。以攘夷狄
拾青紫。嗚呼百年昌平泰之否。天變地妖荐大傀。天
將大任降之子。行拂所為良有以。用猛他年必倍蓰。
天下人々刮目俟。期子遠征執鞭弭。蠻狄伏罪于戈
止。何日柙中出虎兕。橫行五大全州裏。豺狼犬豕從

驅使墨俄、英佛俱風靡、太平磐石固基趾、樹立大東神國體、皇統聯綿傳、劍璽國祚萬年京、又稱功業如此真罕比、特筆英名載國史、曰二十一回猛士吉田寅次義卿氏。

贈杉梅太郎

君不見凌雲杉木板、可製舟船載重行、又不見冒雪梅花子、可調鹽味作和羹、最是歲寒松百尺、可供棟梁廈屋營、杉氏通稱梅太郎、家世住居松下城、姓氏通稱居住所、與他花木同芳名、努力君須名實稱、可人而不如非情、君屬郡官主戶籍、記載防長二國氓。

五十萬人人命重、勿沈杉板誤蒼生、當命方北外夷寇、為恐國家內亂生、君善調和群縣政、勿失鹽梅起訟爭、嗚呼癸丑甲寅變亦大、幕府與夷城下盟、堂堂神國傾將覆、天下誰能獨力撐、君家賢弟以身任、一木將支大厦傾、不幸同根千里岐、鄉土經霜冒雪益堅貞、感君友愛相培養、連枝鬱鬱歲寒榮、我知他日支傾覆、棟梁松下二難兄。

輓澁木生

審夷航海計何長、事覺幽囚病且亡、知汝憤魂眠不得、騎鯨飛渡大東洋。

猛士曰僕為汝
生請輓詩甚力
上人僅以二十
八字塞責頗以
為恨今細讀之
其言短其意則

長洪生足以照
矣。又曰：憤魂二字
善寫生為人非
予誰知之非予
誰知之。

輓松齋村田翁

余以四月廿二日訪翁於澤江山莊告別而
返未幾君上特命使翁力病以起再參國政
許以乘轎登城且杖於殿上蓋異數也。兼命
之明日病發終不起矣。訃至慟哭悵然成詠
實易箒後七日己卯六月朔也。

明主敬賢恩禮優如何遠向道山游傷心一別成千
古齋志參謀復十州正氣應充天地塞英靈願作鬼
神留萬方多難亡元老切恐邦家殄瘁憂

又赴款府

猛士曰：唯得皆
詩。

此行兼益田彈正大夫內
囑赴其米邑須佐
村閭說法審夷情要化蠢氓作義兵應請津梁沿海
地一年三度入款城

雨中入須佐

大波渾浩鬪魚龍溟海層雲欲盪胸萬岳千山須佐
路滿天風雨一簑衝

重陽後二日登須佐神山賦奉呈邑主彈正益

田大夫

維我長門溟海北神山高聳標神國挺然斗出大洋
中障得頽波不偪仄吾偶登臨乙卯秋九月天高遠

猛士曰：短刀冒
銳詩中有兵

猛士曰：每段結
處振起下段妙
又曰：神山字全
篇精神
又曰：挺然頽波
波等字百鍊千

廢又曰固結四字是忠告作者主意二句籌策二句効功末四句又曰全篇末句括盡全篇未句最善收斂又曰自有神山未之有作斯山得斯作顧亦邑大夫之榮也然使斯言無効則斯山與斯作有辱矣是亦大夫臣民之任也

望極西拖朝鮮東韃靼水路望洋接異域鯢鵬變化波濤白蛇龍出沒風雲黑或有火輪轉電光戰艦飛來喚佛賊誰折其衝田府君大封沿海古侯伯縣門郭內一千家淳樸士風存古色君祖牛庵世所宗赤心報國竭精忠國步艱難沿革際蹇蹇勤勞致匪躬封疆為領江山勝道傍標柱旌元功爾來世出聰明主迨君尤號萬夫雄文武能承先世業奢侈豈移近代風所以妙齡才弱寇萬民具瞻德望崇當此國家多事日天生英傑資興隆憶昨墨夷舩跋浪突來東海多無狀幕議邊防命我侯侯乃撰君為上將細柳

猛士曰驚疾水激勢險節短詩法一結悠然漂然凱歌夜起三軍無聲

建營嚴號令諸葛出師鮮鎧仗已為天下任先鋒期君一戰止侵掠和戎無用岳家軍三軍壯士氣凋喪變夷從此益猖狂覬覦往來西北洋百里江山形勝地一旦恐將栖犬羊君近全軍飯亦好賊衝有主守封疆固結人心振士氣變通兵制戒邊防不負北門鎖鑰任國威可張夷可攘吾嘗海內浪遊遍登高未有此重陽仰望君之功業高天下永與神山鎮北方
短刀歌呈彈正益田大夫
尺半短刀百鍊堅光芒萬丈氣衝天誰哉作者藤清重世以刀工隸益田大夫年少真英主命世才兼文

與武去年大任督三軍相州禦侮猖狂虜既來憂國
寢食忘招吾采邑說邊防乃命清重新鍛鍊發矟凜
烈賜秋霜君不聞太祖創開男子國比威寶劍立皇
極十握聚雲鬚切光天威赫赫震殊域今之海外百
蠻夷銃陣爭誇節制師步趨進退齊兒戲劍槍接戰
豈能為我期忠義磨鋒刃短刃直入長銃陣不顧彈
丸雨注來紫電光中霹靂震千羊萬犬短兵鏖黑烟
掃盡蒼天高仰天一笑拭羶血白日光寒日本刀

紙鳶

萬里秋晴放紙鳶掌中誰握一絲權莫乘風便誤操

猛士曰二十八
字無限慷慨當
略真解此味有
樂人長太息
○隨園詩話載

使跋扈恐他飛戾天

地震行

或所著震災記曰大城譙門及樓櫓崩半藏
四谷諸門大破其他樓櫓雉堞悉剝落濠塹
石所又曰死亡者不下三十萬人又曰深川
八所又曰坊夜已深有物啾々如泣如訴至曉
及小川以爲冤鬼哭聲吉原之上多見陰燐
不絕人以爲冤鬼哭聲吉原之上多見陰燐
蓋亦冤枉之氣所
結故詩亦及之

維歲安政乙卯冬十月二日夜二更武州江戶征夷
府地震延災及柳營城復于隍陵谷變梁木壞乎大
厦傾何者祝融來助虐烟焰漲天天狗行君臣父子
不相救轉輾呼號陷火坑壓死大凡三十萬慘於白

風箏詩任他風
信東西轉百條
遊絲在掌中詩
雖解寫意之
也固不妨雷同

猛士曰善把經
史語入詩並安
貼益深起坑隆
又曰自起坑隆
近起周室遠伏
進取功名論四
又曰著議論四
句何害于為詩
詩亦杜法佳則
又曰結法佳則
佳俱學兵車行
過肯

起坑降兵君不見昔時周室王綱弛變夷猾夏迫東
京天遣變災頻警戒百世二年幾變呈地震者五山
崩二聖人特筆載麟經今也四夷交侮我將軍猶未
議親征所以變災相繼至山崩地震海波驚三四年
間十幾變天之警戒太分明變理陰陽任責者姑息
和戎飾太平堂堂帝國征夷府甘與犬羊城下盟皇
天后土諸神祇赫斯震怒壞金城嗚呼退遇震災徒
壓死寧如進戰取功名縱使吾軍無大利一戰何傷
卅萬生聞說滿城頽屋下碎頭斷臂散縱橫月黑天
寒雨雪夜到處啾啾鬼哭聲

無題

多年說法竭精神草莽間興憂國民今日藩臺傳內
命公然許諭二州人

送聾僧默霖之平門

九重淵底熱龍蟠比師淵默耳聾口訥言龍飛上天
沛霖雨比師議論如雲筆底翻聾僧如龍不可測自
立一家卓見識縱橫風生玉霸辨辨明誰及默霖默
君不見藤原嘗奪朝廷權王室之風自此遷源氏平
家相繼起海內兵戈無止年相州遂建征夷府兵馬
大權皈鬼武不知京洛有天皇唯見鎌倉存霸主爾

猛士曰口羽氏
駁此詩要自正
論惜余未見志
真說但通理勢
合治教深思長
慮弗護弗念者
為得之矣若乃
府似不欺其節
烈於成齊足以
持世教於瞑也
是固不可輕也

後又分南北朝足利操權繼北條可憐九葉十三世
骨肉相殘豺虎驕織田未識君臣義豐臣亦竊台槐
位回視一千餘載間天王尸位擁虛器降至德川任
將軍輕蔑天朝二百春諸侯東觀倒冠履真箇武人
為大君君臣內已濫名分蠻夷猾夏何遑問天災地
震并人事蒿目國家屬未運天下滔滔莽大夫劇秦
美新獻阿諛師獨凜然稱大義千古英雄一筆誅故
與世人論不合獨行天下眾孤立待時將際風雲會
去向飛鸞鳴裡塾行矣誰諒師大忠不如尚友古英
雄到日鳴南河內浦遺蹤先吊鄭成功

歲晏行

歲云暮矣凜寒風憂時獨坐草堂中互市夷人已假
地射虜將軍空索弓太平風尚移戎狄偏重工商不
重農蠻貨洋珍奢侈本國日困窮倉廩空見幾高踏
避將亂弋人何慕冥冥鴻顛覆徒循亡宋轍廟堂宰
執定亦庸鑄砲枉收天下器未如貿易禁紅銅識者
建言天地戒到頭難可破群蒙爾後三年未決戰幕
議因循歲復終

丁巳四月將赴南紀

鐵錫出山南海行清和四月雨初晴俗兒譏似新蟬

猛士曰元旦試
筆歲晏行首尾
照應中間尊王
攘夷為之脈絡
到底無所受針
而不見血至其
忠厚愛君處何
處老杜
又曰草堂二字
亦的偏重句意
眼透徹實亦窮
抱曰天地戒遙
應首篇

清狂遺稿卷之十
語付與綠陰隨意鳴

蒙恩命寓東山別墅

君恩不許故鄉還，卓錫京華就靜閒。
紅樹白雲秋正好，攜持筆硯入東山。

出東山

花柳三春伴翠娥，風流更比謝公多。
今朝不出東山去，天下蒼生奈我何。

自南紀還京，賦奉寄執政久野丹州及司農水野氏并小浦白并茂田諸君

南國要衝是紀藩，西對淡州爲海門。
友島如龍勢起

伏兩山中立，波濤掀海門。南望天連水，積水望洋幾
萬里。往來掣電火輪船，烟焰有時天際起。或憂夷艦
轉車輪，破此海門衝攝津。百里江流一霎潮，九重宮
殿灑羶塵。加田海甸咽喉地，友島須嚴防禦備。况昨
甲寅之季秋，已被鄂虜窺奧秘。我雖方外亦王臣，四
海邊防任一身。廟堂建白攘夷策，游說多年藐大人。
維歲丁巳夏四月，將赴紀藩議論竭，不顧紛紛兒輩
譏。單身奮自帝京發，三尺鐵鞭七尺軀。長髮破袍狀
貌殊，欲就地形陳策略。一幅攜行友鳴圖，路過浪華
招同志，會飲痛快唱正義。酒酣樓上舞長槍，驚破當

筵歌舞妓餘勇錚錚金鐵鳴揚鞭直向若山城天下
 三宗藩國府位望勢權壓大名邦俗稱大諸侯曰大名小浦青
 涯藩士傑吐握聞余防海說手展嶋圖詳指陳邊防
 利害立談決十歲勤王志亦酬杞人解釋墮天憂擘
 破嶋圖寸寸裂不許人間知廟謀爾來旬日留歸錫
 藩府諸公相次覲茂田白井皆良吏水野司農亦顯
 職最欽久野大夫賢退食招吾東閣延半夜畫堂銀
 燭下劇談衝口膝頻前嗚呼堂堂大鎮當方面可使
 羶腥浣海甸海門天為設重關預備鯨鯢跋浪變波
 間友嶋即泥丸砥柱急流回倒瀾若得人和以死守

邦畿千里泰山安

清狂遺稿卷下終

010190526050

明治二十五年一月五日 印刷
明治二十五年一月十日 出版

版權所有

著者相續人

桂

龍曉



山口縣周防國玖珂郡鳴門村五百廿五番地

編輯者

大洲鐵然

山口縣周防國大島郡久賀村八百七十二番地

編輯者

天地拈雄

廣島縣備後國沼隈郡山南村三十五番地

發行兼印刷者

田中治兵衛

京都市下京區寺町通四條上ル十八番地

洋行遺稿卷之下

洋行遺稿卷之下

